

Rundingan PKR-SNAP di ambang kegagalan?
Malaysiakini.com
March 29, 2011

Rundingan untuk mewujudkan pakatan pembangkang untuk menghadapi pilihan raya negeri Sarawak tampaknya kini di ambang kegagalan dengan Parti Nasional Sarawak (SNAP) menyuarakan kekecewaannya terhadap tawaran empat kerusi yang dibuat oleh PKR.

SNAP sebaliknya, mahu diperuntukkan paling kurang 27 kerusi.

Parti itu memang menyokong penubuhan pakatan pembangkang menjelang pilihan raya negeri Sarawak, kata pengarah operasi SNAP, Paul Kadang.

Bagaimanapun, tambahnya, kemungkinan mewujudkan pakatan tersebut nampaknya semakin merosot.

Dalam satu kenyataannya, Kadang menyalah PKR atas kegagalan mencapai persetujuan berhubung peruntukan kerusi, termasuk membabitkan tuntutan kerusi bertindih.

"SNAP enggan dipinggirkan dan bagi mempertegaskan keseriusan dan kemampuannya, ia telah mengisytiharkan secara terbuka 16 calonnya di 16 kawasan," katanya.

Kadang berkata, PKR yang terkejut dengan tindakan tersebut, datang balik untuk 'menawarkan' empat kerusi, dan bukan lagi tiga kerusi.

Dalam tindak balasnya terhadap 'penghinaan' tersebut, tegasnya, SNAP mengumumkan 11 lagi calon untuk 11 lagi kerusi.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/159964>